



Mick Antoni AC
Cadeirydd y Pwyllgor Materion Cyfansoddiadol a Deddfwriaethol
Cynulliad Cenedlaethol Cymru
Tŷ Hywel
Bae Caerdydd
Caerdydd
CF99 1NA

14 Chwefror 2019

Annwyl Mick

Diolch am eich llythyr dyddiedig 6 Chwefror ynglŷn â Rheoliadau Caffael Cyhoeddus (Diwygio etc.) (Ymadael â'r UE) 2019.

Roedd gwallau yn y datganiad ysgrifenedig o dan RhS30C, yr hoffwn ymddiheuro amdanynt. Gwall gweinyddol oedd hwn lle dim ond y testun yn ymwneud â chydarddoldeb a gafodd ei gynnwys. Gosodwyd y datganiad ysgrifenedig diwygiedig ychydig o ddiwrnodau wedi i'r gwall ddod i'r amlwg. Gallaf gadarnhau mai'r fersiwn a osodwyd ar 25 Ionawr yw fersiwn gyflawn datganiad ysgrifenedig RhS30C.

Gofynnoch hefyd am eglurhad pa swyddogaethau sy'n cael eu heffeithio gan yr OS hwn, a sut y byddant yn cael eu harfer a pha un a ydynt yn swyddogaethau newydd. Nid oes gan Weinidogion Cymru unrhyw swyddogaethau o dan y ddeddfwriaeth gaffael bresennol ac felly nid yw pwerau gweithredol Gweinidogion Cymru yn cael eu heffeithio gan yr offeryn hwn. O ran natur y swyddogaethau sy'n cael eu creu gan yr offeryn hwn, roeddwn i'n meddwl y byddai'n well imi ateb drwy egluro pob un o'r swyddogaethau isod. Mae'r cyfeiriadau at "reoliadau" yn cyfeirio at reoliadau yn yr OS.

Mae'r swyddogaethau a ganlyn wedi'u trosglwyddo i'r Gweinidog dros Swyddfa'r Cabinet lle y bo angen cydsyniad Gweinidogion Cymru ymlaen llaw mewn perthynas ag awdurdodau datganoledig Cymreig fel y'u diffinnir yn adran 157A o Ddeddf Llywodraeth Cymru 2006 - gweler rheoliadau 5(56), 7(31) a 9(63) ar gyfer y darpariaethau llawn mewn perthynas â chydsynio:-

- (i) Diwygio dulliau cyfathrebu electronig yn y broses gyflwyno - rheoliadau 5(19) Rheoliadau Contractau Cyhoeddus 2015 a 9(27) Rheoliadau Contractau Cyfleustodau 2016.

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1NA

Correspondence.Rebecca.Evans@gov.wales
Gohebiaeth.Rebecca.Evans@llyw.cymru

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

- (ii) Diwygio'r rhestr o fanylion a nodweddion technegol y mae'n rhaid i offer a dyfeisiau ar gyfer derbyn dogfennau yn electronig feddu arnynt - rheoliadau 5(19) (Rheoliadau Contractau Cyhoeddus 2015) a 9(27) (Rheoliadau Contractau Cyfleustodau 2016).
- (iii) Diweddarau'r rhestr o gytuniadau rhyngwladol sy'n cael eu cadarnhau gan Lywodraeth y DU - rheoliadau 5(37) (Rheoliadau Contractau Cyhoeddus 2015), 7(21) (Rheoliadau Contractau Consesiwn 2016 a 9(45) (Rheoliadau Contractau Cyfleustodau 2016).

Mae'r swyddogaethau a ganlyn wedi cael eu trosglwyddo i'r Gweinidog dros Swyddfa'r Cabinet a Gweinidogion Cymru i'w harfer yn gydamserol:

- (i) Gofyn am adroddiadau o dan reoliad 31(16) o Reoliadau Contractau Consesiwn 2016 – i'w harfer yn gydamserol â Gweinidogion Cymru mewn perthynas ag awdurdodau datganoledig Cymreig - rheoliad 7(17).
- (ii) Gofyn am adroddiadau o dan reoliad 99 o Reoliadau Contractau Cyfleustodau 2006 – i'w harfer yn gydamserol â Gweinidogion Cymru mewn perthynas ag awdurdodau datganoledig Cymreig - rheoliad 9(58).

Mae'r swyddogaethau a ganlyn wedi cael eu trosglwyddo i Swyddfa'r Cabinet, a rhai ohonynt yn cael eu harfer yn gydamserol â Gweinidogion Cymru (fel y nodir)

- (i) System e-hysbysu y DU a fydd yn disodli Cyfnodolyn Swyddogol yr Undeb Ewropeaidd o ran yr hysbysiadau sydd angen eu cyflwyno. Mae hyn yn gymwys i Reoliadau Contractau Cyhoeddus 2015, Rheoliadau Contractau Consesiwn 2016 a Rheoliadau Contractau Cyfleustodau 2016.
- (ii) Gofyn am adroddiadau o dan reoliad 32 o Reoliadau Contractau Cyhoeddus 2015 – i'w harfer yn gydamserol â Gweinidogion Cymru mewn perthynas ag awdurdodau datganoledig Cymreig - rheoliad 5(27).
- (iii) Gofyn am adroddiadau o dan reoliad 84 o Reoliadau Contractau Cyhoeddus 2015 – i'w harfer yn gydamserol â Gweinidogion Cymru mewn perthynas ag awdurdodau datganoledig Cymreig - rheoliad 5(55).

Mae'r swyddogaethau a ganlyn wedi cael eu trosglwyddo i'r Gweinidog dros Swyddfa'r Cabinet.

- (i) Diwygio trothwyon sydd wedi'u cyfyngu i sicrhau cydymffurfio â'r Cytundeb ar Gaffael gan Lywodraethau - mae'r DU yn gwneud cais i gael bod yn aelod ohono. Mae hyn yn gymwys i Reoliadau Contractau Cyhoeddus 2015, Rheoliadau Contractau Consesiwn 2016 a Rheoliadau Contractau Cyfleustodau 2016.
- (ii) Adolygu'r codau Geirfa Caffael Gyffredin - rheoliad 16.
- (iii) Gofyn am adroddiadau o dan reoliad 8(3) o Reoliadau Contractau Cyfleustodau 2006 - rheoliad 12(f).
- (iv) Diwygio'r rhestr o arfau a deunyddiau rhyfel a fabwysiedir gan Gyngor y Gymuned Economaidd Ewropeaidd yn ei benderfyniad 255/58 dyddiedig 15 Ebrill 1958 – rheoliadau 5(3) (Rheoliadau Contractau Cyhoeddus 2015), 7(4) (Rheoliadau Contractau Consesiwn 2016) a 9(3) (Rheoliadau Contractau Cyfleustodau 2016).

- (v) Gofyn am wybodaeth benodol mewn perthynas â chontractau a ddyfarnwyd gan gyfleustodau mewn perthynas â Gogledd Iwerddon – rheoliad 9(21)

O ran Memoranda Cydsyniad Offerynnau Statudol, mae'r trefniadau newydd a roddir ar waith drwy'r Offeryn Statudol hwn yn cael eu gwneud mewn perthynas ag is-ddeddfwriaeth y DU yn bennaf. Mae'n ofynnol yn unol â RhS30A bod Memorandwm Cydsyniad Offeryn Statudol yn cael ei osod mewn perthynas ag unrhyw Offeryn Statudol a osodir gerbron Senedd y DU gan Weinidogion y DU sy'n gwneud darpariaeth mewn perthynas â Chymru sy'n diwygio deddfwriaeth sylfaenol sydd o fewn cymhwysedd deddfwriaethol y Cynulliad. Yr unig newidiadau a wneir i ddeddfwriaeth sylfaenol y DU yw'r newidiadau i Ddeddf Cydraddoldeb 2010, Deddf Gwasanaethau Cyhoeddus (Gwerth Cymdeithasol) 2012 a Deddf Awdurdod Llundain Fwyaf 1999. Mae Memorandwm Cydsyniad Offeryn Statudol wedi cael ei osod mewn perthynas â'r newidiadau a wnaed i Ddeddf Cydraddoldeb 2010 gan fod hon yn ddeddfwriaeth sylfaenol sydd o fewn cymhwysedd deddfwriaethol y Cynulliad. Nid oes angen Memorandwm Cydsyniad Offeryn Statudol ar gyfer y diwygiadau i'r ddwy Ddeddf arall gan nad yw'r Deddfau hyn o fewn cymhwysedd datganoledig y Cynulliad.

Er mwyn darparu ymateb cyflawn, ac fel y dywedwyd yn ein llythyrau blaenorol, mae swyddogion Llywodraeth Cymru mewn cysylltiad â Swyddfa Cymru am y cyfyngiadau anfwriadol ar gymhwysedd y Cynulliad sydd wedi'u creu gan bwerau a roddwyd mewn OSau sy'n gysylltiedig ag ymadael â'r UE ac mewn deddfwriaeth arall sy'n rhoi effaith i baragraffau 8, 10 ac 11 o Atodlen 7B i Ddeddf Llywodraeth Cymru. Mae swyddogion yn edrych ar y mater yn fanwl ac yn ystyried sut orau i'w ddatrys. Bydd Llywodraeth Cymru yn mynd ati'n rheolaidd i roi'r wybodaeth ddiweddaraf i'r Cynulliad Cenedlaethol, gan gynnwys y Pwyllgor Materion Cyfansoddiadol a Deddfwriaethol, am hynt y trafodaethau hynny.

Gobeithiaf fod yr wybodaeth hon yn ddefnyddiol i'r Pwyllgor.

Yn gywir,



Rebecca Evans AC/AM
Y Gweinidog Cyllid a'r Trefnydd
Minister for Finance and Trefnydd